



Broj: 09/2-2-16-8-33246-10/18
Sarajevo, 21.12.2018.godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrđenog u zapisniku broj: JN1-16-4-int-2264-1/18 od 17.12.2018. godine, u postupku javne nabavke dizel električnog agregata za potrebe MVP BiH, **d o n o s i m:**

O D L U K U

o izboru najpovoljnijeg ponuđača

Ponuđač "ENERGOINVEST SUE " d.d. Sarajevo sa ponudom broj 1332-ES/18 od novembra.2018. godine, proglašava se najpovoljnijim, te se imenovanom ponuđaču dodjeljuje ugovor za nabavku jednog dizel električnog agregata za potrebe Ministarstva vanjskih poslova BiH.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Po pravosnažnosti ove odluke,ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-3-int-1939-1/18 od 15.10.2018. godine, u kojoj je predviđeno da je procijenjena vrijednost javne nabavke bez PDV-a 45.2999,00 KM odnosno sa uključenim PDV-om 53.000,00 KM.

Obavještenje o nabavci br: 253-1-1-36-3-15/18, objavljeno je na Portalu javnih nabavki dana 22.10.2018. godine, a sažetak obavještenja o nabavci objavljen je u Službenom glasniku BiH br: 75 od 26.10.2018. godine, na osnovu kojeg je proveden otvoreni postupak nabavke usluga za potrebe Ministarstva vanjskih poslova BiH. Ispravka obavještenja o nabavci je objavljena u službenom glasniku broj 84 od 30.11.2018. godine

Analizom dokumentacije pristiglih ponuda, te suštinskom provjerom sadržaja i validnosti dokumentacije, Komisija je utvrdila da ponude ponuđača:

1. " Albat" d.o.o. Sarajevo;

2. "Energoinvest SUE" d.d. Sarajevo;
3. "Teknoxgroup " d.o.o. Sarajevo;

zaključno sa rednim brojem 3 (tri),

ispunjavaju formalno-pravne, ekonomske i tehničke zahtjeve Ministarstva vanjskih poslova BiH, te da su prihvatljive i mogu biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

Pregledom ponude ponuđača „Nexen „ d.o.o. Banja Luka, Komisija za javne nabavke je konstatovala da imenovani ponuđač ne ispunjava sljedeće uslove navedene u tenderskoj dokumentaciji, u dijelu 3. – Uslovi za kvalifikaciju:

tačka 3.4 stav d.) – jer nema najmanje 3 uposlena servisera;

tačka 3.4. stav g.)-ugovor o poslovno-tehničkoj saradnji sa firmom MLS EXING d.o.o. iz Beograda, ne može nadomjestiti ispunjavanje uslova iz ovog stava, jer se firma, koja je registrovana u drugoj državi (Srbiji) ne može tretirati kao „ovlašteni servis proizvođača u BiH“.

Komisija je zaključila da ponuđač „Nexen“ d.o.o. zbog neispunjavanja navedenih uslova za kvalifikaciju, ne može osigurati niti ispunjenje obaveze iz člana 6. Ugovora za nabavku električnog dizel agregata za potrebe MVP BiH, koji je sastavni dio tenderske dokumentacije (Aneks VII), u kome je navedeno da je ponuđač obavezan da, po prijemu prijave kvara, za maksimalno dva sata obezbijedi kvalifikovanog servisera za opravak kvara.

Iz gore navedenih razloga, a na osnovu člana 68. stav (4) tačka i) ZJN („Službeni glasnik BiH“ broj 39/14), Komisija je jednoglasno zaključila da se ponuda ponuđača „Nexen“ d.o.o. odbacuje.

Nakon E-aukcije, broj postupka: 253-1-1-36/18, koja je obavljena 10.12.2018. godine u periodu od 11:00-11:20 sati, Komisiji za javne nabavke je isti dan dostavljen Izvještaj o toku i završetku E-aukcije od strane Agencije za javne nabavke, u kojem je istaknuta konačna rang lista ponuđača koji su učestvovali u istoj.

Polazeći od činjenice da prihvatljive ponude u formalno-pravnom, ekonomskom i tehničkom smislu ispunjavaju zahtjeve Ministarstva vanjskih poslova BiH, primjenom kriterija „najniža cijena tehnički zadovoljavajuće ponude“, Komisija je zapisnikom broj: JN1-16-4-int-2264-1/18 od 17.12.2018. godine, a nakon održane e-aukcije utvrdila rang listu ponuda i to:

PONUĐAČ	Konačna cijena u KM bez PDV-a	Rang
Energoinvest SUE d.d.	43.800,00 KM	1
Teknoxgroup BH d.o.o.	43.850,00 KM	2
Albat d.o.o.	45.250,00 KM	3

Vezano za sve gore navedeno, vidljivo je da je prvoplasirana i najpovoljnija ponuda ponuđača: "Energoinvest SUE" d.d. Sarajevo, sa cijenom od 43.800,00 KM bez PDV-a, te da ista u ekonomskom i tehničkom smislu u potpunosti zadovoljava zahtjeve ugovornog


organa. Cijeneći navedeno, a u skladu sa članom 64. stav 1. tačka b) i članom 65. Zakona o javnim nabavkama BiH, data je preporuka da se donese Odluka o izboru najpovoljnijeg ponuđača kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

MINISTAR

Igor Crnadak



DOSTAVITI:

1. Svim učesnicima u postupku javne nabavke;
2. Evidenciji a/a.